

Visoki predstavnik izdao Odluku kojom se uspostavlja privremene procedure za zastitu vitalnih interesa konstitutivnih naroda i Ostalih, ukljucujuci i nemogucnost diskriminacije

Visoki predstavnik, Wolfgang Petritsch, izdao je danas Odluku kojom se uspostavlja neophodni privremeni mehanizam kojim se garantiraju sredstva za implementaciju odluke koju je Ustavni sud donio 30. juna i 1. jula 2000.god. u predmetu koji je poznat pod imenom "Predmet konstitutivnih naroda".

Od entitetskih parlamenata je zahtijevano da izmjene i dopune svoje odgovarajuće Ustave kako bi isti bili u skladu sa odlukom Suda. Do danas nije postignut nikakav napredak u ovoj oblasti.

Odlukom Visokog predstavnika se konstitutivnim narodima Bosne i Hercegovine Bosnjacima, Srbima, Hrvatima i Ostalim osigurava zaštita njihovih vitalnih interesa, uključujući nemogućnost postojanja diskriminacije na teritoriju cijele zemlje.

Ovom Odlukom, koja je privremenog karaktera, se garantiraju prava i to potpuno u skladu sa Evropskom konvencijom o ljudskim pravima do potpune implementacije odluke Ustavnog suda. Visoki predstavnik je parlamentima oba entiteta postavio rok da do 15. marta 2001.god. podnesu prijedloge za implementaciju odluke Ustavnog suda.

Danasnjom Odlukom se predvidja restruktuiranje Ustavnih komisija kako u Federaciji tako i u Republici Srpskoj, a u sastavu svake od ovih komisija ce sada biti 16 clanova sa jednakim brojem delegata iz redova konstitutivnih naroda i Ostalih u BiH. Visoki predstavnik ce imenovati clanove ovih Komisija. Sve ostale zakonodavne strukture u BiH ostaju nepromijenjene.

Ustavne komisije se moraju sazvati najkasnije sedmicu dana nakon objavljivanja ove Odluke u Sluzbenom listu Bosne i Hercegovine.

Ustavne komisije ce moci sazvati sastanke ukoliko vecina bilo kojeg od konstitutivnih naroda ili Ostalih iskaze zabrinutost da bi neki zakon, odluka ili propis vlade mogli biti diskriminatornog karaktera a kopije istih se moraju dostaviti ovim Komisijama najmanje 10 dana prije rasprave u Zastupnickom domu Federacije BiH ili Narodnoj skupstini RS. U slucaju da nakon tri dana Komisija ne postigne sporazum o nekom pitanju, pitanje ce se onda prezentirati Visokom predstavniku kako bi donio odluku o istom.

Visoki predstavnik ocekuje brzu implementaciju odluke Ustavnog suda u oba entiteta.